

Monfieur

Si ie vous mefurois au pied des ames vulgaires, la  
triffefte que vous auer tefmoignée des le commencement  
de la maladie de feu Madame de Zuylichem  
me fevoit craindre que fon deces ne vous fust du tout  
infupportable, mais ne doutant point que vous ne vous  
gouverniez entierement felon la raifon ie me perfuade  
qu'il vous eft beaucoup plus ayfé de vous confoler et de  
reprenndre voftre tranquillité d'efprit accouftumée  
maintenant qu'il n'y a plus du tout de remede  
que lorsque vous auiez encore occafion de craindre et  
deſperer. car il eft certain que l'eſperance eſtant  
oſtée le deſir ceſſe ou du moins ſ'affoibliſt et ſe  
relaſche; et que lorsqu'on a que peu ou point de deſir de  
rauoir ce qu'on a perdu, le regret n'en peut eſtre fort  
ſenſible. Il eſt vray que ~~de~~ les eſprits vulgaires n'ont  
point couſtume de gouſter cete raifon, et que ſans ſcauoir  
eux meſmes ce qu'ils imaginent, ils imaginent que ce  
qui a autreſois eſté peut encore eſtre et que Dieu eſt  
comme obligé de faire pour l'amour d'eux tout ce qu'ils  
veulent. mais vne ame forte et genereuſe, comme

Si deſir vne, e la eſperance n' eſt morte.  
P. Mar.



la vostre, fait trop bien a quelle condition Dieu  
vous a fait maistre pour vouloir par des souhaits  
inefficaces resister a la necessite de sa loy. Et  
bien que on ne s'y puisse soumettre sans quelque  
peine, i'estime si fort l'imitie que ie croy que tout  
ce qu'on souffre a son occasion est agreable, en sorte  
que ceux mesme qui vont a la mort pour le bien des  
personnes qu'ils affectionnent, me semblent hureux  
iulques au dernier moment de leur vie, et pendant  
que vous perdiez le manger et le repos pour servir  
vous mesme vostre malade, quoy que i'apprehendasse  
pour vostre sante, i'eusse pense commettre un sacrilege  
si i'eusse tasche a vous divertir d'un office si pieux et  
si doux, mais maintenant que vostre deuil, ne luy  
pouvant plus estre utile, ne sauroit aussy estre si  
iuste, ny par consequent si accompagne de cete ioye  
et satisfaction interieure qui suit les actions vertueuses  
et fait que les sages se trouvent hureux en toutes les  
rencontres de la fortune, si ie pensois que vostre raison  
ne le pust vaincre, i'irois importunement vous  
trouver, et tascherois par tous moyens de vous divertir,  
dautant que ie ne scay point d'autre remede pour

un tel mal. Je ne mets pas icy en ligne de compte la  
 perte que vous avez faite tant quelle regarde vostre  
 personne, et que vous estes privé d'une compagnie que vous  
 cherissiez extremement, car il me semble que les  
 maux qui vous touchent, vous mesmes, ne sont point  
 comparables a ceux qui touchent vos amis, et qu'au lieu que  
 c'est une vertu d'avoir pitie des moindres afflictions  
 qu'ont les autres, c'est une espere de lâcheté de  
 s'affliger pour les vostres propres: outre que vous  
 avez tant de proches qui vous cherissent que vous ne  
 sauriez pour cela rien trouver a dire en vostre famille,  
 et que quand vous viuriez que M.<sup>e</sup> de Willelm  
 pour sœur ie croy quelle seule est suffisante pour  
 vous deliurer de la solitude et des soins d'un mesnage  
 qu'on autre que vous pourroit craindre apres avoir  
 perdu sa compagnie. Au reste ie vous supplie d'excuser  
 la liberte que iay prise de mettre icy mes sentimens  
 en Philosophie, au mesme moment que iay receu un  
 paquet de vostre part par M.<sup>r</sup> Cool. ou ie ne comprends  
 point le procede du pere Mercene, car il ne menage  
 encore aucun privilege, et semble vouloir m'obliger  
 en faisant tout le contraire de ce dont ie le prie.  
 ie suis

Monsieur

ce 20 May 1637  
 d'Alençon ou ie suis sans y estre  
 pour que ie ne peusse pas y demeurer.

Vostre tres humble  
 et tres passionné serviteur  
 Des Cartes

*[Faint, illegible handwritten text, likely bleed-through from the reverse side of the page.]*